

Formular sa uputama za čuvanje zamoraca i kunića

Očekivani životni vijek: Kunići i patuljasti kunići mogu živjeti do 12 godina, zamorci do 8 godina.

Troškovi

Kafsha	60-150 CHF	Ovisno od toga je li životinja kastrirana
Početni troškovi	600-2000 CHF	Odgovarajući ograđeni prostor, hranilice i pojilice, nepromoćive kućice, zakloni, cijevi...
Godišnji troškovi	oko 500 CHF	Hrana, troškovi veterinara, boravak u pensionu za životinje tokom godišnjeg odmora ili kućna njega
Ostalo	Dodatni troškovi veterinara mogu znatno povećati cijenu životinje.	

Zamorci i kunići su živahne životinje

Prije odluke između zamoraca ili kunića budući vlasnik životinje se mora temeljno informirati kod stručnjaka i pomoću stručne literature. Zamorci i kunići nisu životinje koje možete maziti, već su veoma osjetljive na stres! Glavni uzrok smrti zamoraca kao kućnih ljubimaca jeste nedovoljno kretanje. Da bi se zamorci i kunići dobro osjećali, moraju se čuvati u velikim kavezima koji omogućavaju dosta kretanja. Zamorcima je unutra potrebno najmanje 1.5 do 2m² (npr. od Švicarskog društva za zaštitu životinja preporučeni ograđeni prostor za zamorce), prilikom cjelogodišnjeg čuvanja na otvorenom prostoru najmanje 4m² (npr. Društvo preporučuje nepromoćive kućice bambino). Zakonom propisana minimalna površina za 2 zamorca iznosi ½ m²). Kunići, kao i patuljasti kunići nisu pogodni za čuvanje u kući, budući da tu ne mogu proživjeti svoj prirodni nagon za kopanjem i da ne postoji prostor za dovoljno veliki kavez. Njima je potrebno 6m² ili više. Kavez mora sadržavati više dobro izoliranih skloništa odnosno kućica i nuditi dosta zaklona i skrovišta. Osim toga, treba da bude zaštićen i dijelomično pokriven sjenkom. Ukopana ograda pomaže protiv upada kuna ili lisica i izlaženja kunića. Zakonski propisana minimalna površina za držanje kunića je ovisna o njihovoj težini i iznosi između 3400 cm² (ca. 50 x 70 cm) za 2 patuljasta kunića do 2.3 kg tjelesne težine i 9300cm² za dva velika kunića.

Zamorci i kunići su društvene životinje

Zamorci žive u grupama nalik haremu (jedan mužjak, više ženki), kunići u cjelim porodičnim klanovima. I jedni i drugi su veoma društvene životinje, kojima su potrebni ostali pripadnici njihove vrste kako bi se osjećali dobro. Nije prihvatljivo kako držanje samo jedne životinje, tako i držanje jednog zamorca sa jednim kunićem, budući da obje vrste imaju potpuno različite načine općenja i jedna drugoj ne mogu zamijeniti pripadnika vlastite vrste. Najbolje je čuvati jednog kastriranog mužjaka zamorca sa više ženki, slijede samo ženke i na kraju samo kastrirani muž-



jaci. Kunići se mogu, na primjer čuvati u paru ako je mužjak kastriran, dok ženke mogu biti međusobno vrlo svadljive.

Gdje kupovati? Na šta obraćati pažnju?

Zamorci ili kuniće treba kupovati u prihvatilištima organizacije za zaštitu životinja, u utočištima za glodare ili u radnjama za kućne ljubimce, koje svoje životinje čuvaju na najbolji mogući način i mogu kompetentno posavjetovati, kao što su to radnje sa Žigom kvalitete VZFS Codex. Važno je paziti na to da ne kupujete kuniće sa ekstremnim osobinama (patuljaste, angora ili kuniće-ovnovne – premale, sa predugim krznom ili s dugim ušima). Patuljasti kunići su jako skloni problemima sa zubima, koji zahtijevaju redovne posjete veterinaru (često svaka dva tjedna) zbog brušenja sjekutića i kutnjaka. Stoga su bolje nešto veće rase. Također i duga dlaka kod zamoraca i kunića može izazvati probleme, jer se dlaka lako može zamrsiti i mora se isjeći. Bolje su životinje sa kratkom dlakom.

Odustanite potpuno od kupnje životinja putem interneta! Životinje koje se nude na internetu potječu često iz masovne proizvodnje i uzgajaju su pod jezivim uvjetima. Također se i ilegalna trgovina životinjama odvija putem besplatnih oglasa u internetu, gdje se često događa prevara.

Šta je potrebno zamorcima?

Zamorci su plašljive životinje. Više od 30 grabljivica u prirodi lovi zamorce. Zamorcima je potrebna je uvijek ista staza po kojoj bi hodali i uvijek se zadržavaju prvenstveno u blizini skloništa i zaklona, da bi se mogli brzo skriti. Stoga im je u zatočeništvu potrebno više mogućnosti za skrivanje i to više nego što ima zamoraca u kavezu: drvene kućice, cijevi od plute, cijevi od gline i grane s lišćem za skrivanje. U njima se mogu skriti jedni od drugih. Ova skloništa se ne smiju podizati, osim u slučaju čišćenja kaveza i zamorci se ne smiju vaditi! To vodi stresu i povredama. Zamorci su jako osjetljivi na toplotu. Vodite računa ljeti pri visokim temperaturama. Hladnoća tokom zime, naprotiv, gotovo da im ne škodi, dok god imaju veliki kavez (najmanje 4m²), izolirana skloništa i dovoljno pripadnike iste vrste (>4). Oni trebaju u zimu jednostavno više hrane, a osobito hrane u zrnu.

Šta je potrebno kunićima?

Patuljasti kunući, nazivani često i patuljastim zečevima, imaju iste potrebe kao i veći kunići. Obavezno Vas moramo odvratiti od čuvanja kunića u uobičajenim kućicama. U njima kunići zakržljaju, mišići im oslabe, ne mogu se više, što je svojstveno njihovoj vrsti, skakutajući pokretati i gotovo da ne mogu kopati. Čuvanje u grupi, u velikim kavezima na otvorenom prostoru, najprije može ispuniti potrebe kunića. Kavez za kuniće mora bezuvjetno imati više mogućnosti za skloništa, izolirane zaklone, cijevi, kućice i biti opremljen uzdignutim stranicama.

Ishrana koja odgovara vrsti

Kako kunići, tako i zamorci jedu, prije svega vlaknastu biljnu hranu, dakle travu, lišće i sijeno. Stoga treba uvijek imati dovoljno svježeg, ne ustajalog sjena. Svakodnevno bi trebalo da dobijaju i svježeg zelenila (salatu, travu, livadsko cvijeće, povrće), zamorci i voće, a također žuto, crveno i zeleno povrće, bogato vitaminima (n. pr. feferoni), budući da ne mogu sami sebi proizvesti vitamin C, već ga moraju primiti sa hranom. Zrnasta i hrana koja sadrži škrob, kao što je hljeb, treba se davati obazrivo, pošto se životinje inače mogu pretjerano ugojiti i ranije uginuti. Kunići i zamorci imaju veoma osjetljivu probavu, te zbog toga nije preporučljiva nagla promjena režima ishrane. Bitno za glačanje zuba jeste često davanje svježih grana za glodanje i hranu; zamorcima grane služe i kao zaklon. Smreka, jela, ljeska, vrba, bukva, breza, lipa, neprskane voćke nisu otrovni.

Kontrola razmnožavanja

Od razmnožavanja životinja treba odustati, jer je smještanje mladunaca u za njih zaista odgovarajući životni prostor enormno teško, a i ove dugovječne životinje dugo čekaju na dobro mjesto u prihvatilištima. Mužjaci zamoraca i kunića mogu se veoma rano, sa par nedjelja starosti i 300 g težine, kastrirati i odmah ponovo integrirati u grupu. Veterinari rado preporučuju prilikom kastracije zahvat koji se poduzima pod narkozom.

Životinje i godišnji odmor

Najbolje je zamorce i kuniće, koji su podložni stresu ostaviti kući u njihovom kavezu, gdje bi ih hranila i njegovala stručna, pouzdana osoba. Alternativno rješenje je i odvođenje u pansion za životinje ili prihvatilište za životinje, gdje dnevni boravak staje 15-30 franaka.

Napuštanje životinja je zakonom zabranjeno i može se kazniti novčanom kanom i do 20 000 franaka.

Zamorci, kunići i djeca

Zamorci i kunići koji se čuvaju na odgovarajući način nude djeci zanimljive mogućnosti za promatranje. Ipak, odrasli moraju preuzeti odgovornost i djecu uputiti i nadzirati njihovo ophođenje i njegovanje životinja. Iako se zamorci i kunići lako pripitomljavaju, oni ipak nisu životinje za često maženje. Nisu pogodni za nošenje, često milovanje i maženje. Budući da se zamorci ne brane, često se pretpostavlja da oni u tome uživaju, ali je to zapravo za njih veliki stres a ponekad čak i istinsko mučenje. Kunići se još rjeđe brane, ali također ne vole kada ih podižete iz kaveza.

Informacije i kontaktna mjesta

- “Zamorci”, “Kunići i patuljasti kunići” (njemački, francuski, talijanski), “Prospekt odgovarajućih kaveza”, besplatni informativni listovi Švicarskog društva za zaštitu životinja STS, Schweizer Tierschutz STS, Dornacherstrasse 101, Postfach, 4008 Basel, tel.: 061 365 99 99, faks: 061 365 99 90, www.tierschutz.com, sts@tierschutz.com, besplatno savjetovanje (njemački, francuski, engleski), besplatne brošure adrese utočišta za životinje, Kinderclub www.krax.ch.
- Brošure “Zamorci – pravilno držanje životinja” i “Kunići - pravilno držanje životinja” (njemački, francuski, talijanski), izdat od Saveznog ureda za veterinarska pitanja (BVET) se mogu besplatno naručiti ili skinuti kao PDF kod BVET, www.bvet.admin.ch i www.tiererichtighalten.ch.
- Kavezi koji odgovaraju vrsti za zamorce i kuniće, na primjer nepromoćiva kućica bambino, se može dobiti preko www.kleintierstaelle.ch.
- Knjige koje se preporučuju: „Odgovarajuće čuvanje – osnovno pravo i za zamorce“ i „Odgovarajuće čuvanje – osnovno pravo i za (patuljaste) kuniće“, po 34.– franaka, Kaufmann-Verlag.
- Stanica za glodare (Nagerstation), kavez, telefon za savjetovanje i posredovanje, Ruth Morgenegg: tel. 0900 57 52 31 (cijena razgovora: 2,13 franaka u minuti), www.nagerstation.ch.

Urednik:

Schweizer Tierschutz STS, Dornacherstrasse 101, 4008 Basel,
Tel. 061 365 99 99, Fax 061 365 99 90, www.tierschutz.com, sts@tierschutz.com